



Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalackersuisunut kaammattuutigaa aalisarnermi ilinniartitaanerit eqqarsaatigalugit nunat akornanni suleqatigiinnissamut periarfissat misissoqqullugit.

(Aallartitanut siulittaasoq Vivian Motzfeldt)

(Siullermeerneqarnera)

Soorlu siunnersuuteqartup nammineq oqaatigigaa, nunani avannarlerni killerni aalisarnejq inuutissarsiutitut pingaarutilerujussuuvoo. Imaani pisuussutit uumassusillit nunani taakkunani avammut tunineqartartut pingaarnersaraat. Nunani avannarlerni killerni inuussutissarsiornermut aalisarnermullu ministerit aalajangersimasumik naapittarput aalisarnerullu iluani suleqatigiinneq nukittorsarlugulu ataatsimut soqutigisat oqallisigisarlugit.

Demokraatini isumaqatigaarput aalisarnermi ilinniartitaanerit eqqarsaatigalugit pitsaasumik suleqatigiinnikkut nunat misilittakkaminnik ilisimasaminnillu paarlaasseqatigiissinnaasut tamarmik ataasiakkaarlutik piginnaasaannut iluaqutaasinnaasunik. Aalisarnermi teknologimik ilinniartitsinikkut assersuutigalugu aalisarnermik pisuussutinik iluaquteqarniarnejq pitsaanerulersinneqarsinnaavooq inuussutissarsiummilu nutaaliornernut aqutaalluni.

Aalisarnejq ineriartornermut malinnaasussaavooq ajornanngippat paasisimasaqarluarluni unammilleqatigiinneq sakkortoorsuummat. Kalaallit Nunaata nunat avannarliit killiit ilisimasaat misilittagaallu iluaqutigilluarsinnaavai.

Taamaattumik aap, Demokraatini siunnersuut ilalerusupparput aamma Naalackersuisut misissortariaqarpaat suleqatigiinnerusoqalersinnaanersoq siunertaralugu aalisarnermi teknologimi ilinniartitsinikkut pitsaassuserlu eqqarsaatigalugu suleqatigiittoqalersinnaanersoq.

Taamatut oqaaseqarluta Demokraatini inassutigaarput siunnersuut akuerineqassasoq.